



ISTRAGA

U akciji „Lutka“ novi osumnjičeni

SIPA otkrila ko je pokušao ubiti advokata Krehu

Riječ je, navodno, o Cvijan, Obučini i Ramiću, osobama čija se imena već nalaze u optužnici u predmetu Darko Elez i drugi

Državna agencija za istrage i zaštitu (SIPA) jučer je Tužilaštvu BiH prosljedila izvještaj o počinjenom krivičnom djelu protiv tri osobe zbog pokušaja ubistva sarajevskog advokata Senada Krehe u septembru 2011. godine. Kako „Avaz“ nezvanično saznaje, riječ je o Bojanu Cvijan (37), Draganu Obučini (36) i Muhamedu Ramiću (40), čija se imena već nalaze u optužnici u predmetu protiv Darka Eleza i drugih.


Zakazao okidač

Izvještaj je, naime, podnesen u nastavku intenzivne istrage koja se provodi u predmetu kodnog naziva „Lutka“. Međutim, glavni osu-

mnjičeni za napad na advokata Krehu navodno je nedostupan bh. pravosuđu, jer se trenutno uopće ne nalazi u BiH.

Ko su napadači na advokata Senada Krehu bila je nepoznanica policiji od 8. septembra 2011. godine, kada se napad na poznatog advokata dogodio u kafani „Pravda“ u Radićevoj ulici u centru Sarajeva. Napadač je, podsjećamo, Krehi prišao s pištoljem u ruci, a špekuliralo se i da je zakazao okidač te je advokata udario u potiljak drškom pištolja i pobjegao.

Prema tadašnjim saznanjima „Avaza“, incident je doveden u vezu sa zločin-ačkom grupom Zijada Zike Turkovića. Naime, odmah



Ne znam ko su te osobe

Advokat Senad Kreho, komentirajući za „Avaz“ jučerašnji uspjeh SIPA-e, kazao je da ga je „iznenadilo da je SIPA, nakon što MUP Kantona Sarajevo nije ništa uradio u ovom slučaju, uspjela riješiti pokušaj njegovog ubistva“.

- Sarajevska policija nije pronašla krivca i pored

čaje koju je izvršilac odbacio. Nedavno sam bio pozvan u prostorije SIPA-e i predočeno mi je osam fotografija. Zamoljen sam da prepoznam izvršioca. Od osam osoba izdvojio sam jednog kao mogućeg izvršioca, mada ne znam ko su te osobe. U SIPA-i tvrde da imaju dokaze o

odgovornima i ja vjerujem da su oni to profesionalno uradili. Imaju dovoljno elemenata za moguće izvršioce. Svaka im čast - kazao je Kreho.



nakon hapšenja, Turković je u svoju odbranu angažirao upravo Senada Krehu.

Branio Turkovića

Međutim, Kreho se povukao iz slučaja nakon što je tokom istrage saslušan kao svjedok u predmetu. Odbranu Turkovića potom je preuzeo advokat Fahrija Karkin.

Međutim, indikativno je da se napad na Krehu u „Pravdi“ dogodio neposredno nakon njegovog povlačenja iz slučaja „Turković“.

Advokat Kreho trenutno je angažiran i u predmetu „Lutka“, a zastupa Anesa Kurbegovića, kojeg se sumnjiči uglavnom za brojne pljačke. N. Š. - Am. K.